



REPUBLIKA E SHQIPËRISË

MINISTRIA E FINANCAVE DHE EKONOMISË
DREJTORIA E PËRGJITHSHME E TATIMEVE

Nr. ____ / ____ Prot.

Tiranë, më.....2020

Lënda: Kthim përgjigje Nr. 186

Z. BRAHIM SHIMA / ORA NEWS

**Adresa: Rruga “Aleksandër Moisiu” Nr. 76/1, ish Kinostudio “Shqipëria e Re”
TIRANE**

Në përgjigje të shkresës tuaj Nr. 144 Prot. datë 16.06.2020 protokolluar në DPT me Nr. 11064 Prot. datë 18.06.2020, në kuadër të Ligjit 119/2014 datë 18.09.2014 “Për të drejtën e informimit”, regjistruar me nr. 186, në regjistrin e Kërkesave dhe Përgjigjeve, e cila ishte në përputhje me nenin 11 të ligjit të sipërcituar, ju sqarojmë si më poshtë vijon:

Tatimpaguesi “**Global Eco Dega Shqiperi**” me NIPT **L62317019K**, aktualisht rezulton debitor dhe si i tillë është i publikuar në faqen online të tatimeve www.tatime.gov.al, në listën e subjekteve debitore për të cilat është vendosur barrë siguruese dhe hipotekore.

Përsa i takon shumës që ky subjekt i detyrohet tatimeve, sqarojmë si më poshtë vijon:

Në Ligjin nr. 9920/2008 “Për Procedurat Tatimore në Republikën e Shqipërisë” i ndryshuar, *neni 24 “Dhënia e informacionit tatimor nga administrata tatimore”* përcaktohet se, informacioni tatimor për tatimpaguesin, i administruar nga administrata tatimore, u ofrohet pa pagesë autoriteteve të përcaktuara në këtë nen, pas depozitimit të kërkesës me shkrim dhe kur verifikohen rrethanat e mëposhtme:

- a) gjyqtarit, nëse është në gjykim ose në hetim të një çështjeje civile, të lidhur me një tatimpagues, për pjesën që u takon marrëdhënieve të tij me administratën tatimore;
- b) gjyqtarit apo prokurorit, nëse është në gjykim ose në hetim të një çështjeje penale, të lidhur me një tatimpagues, për pjesën që u takon marrëdhënieve të tij me administratën tatimore;
- c) Kontrollit të Lartë të Shtetit, vetëm për rastet, kur kërkesa e bërë është në funksion të kontrollit të kryer nga ky institucion ndaj administratës tatimore, në funksion të hartimit të rekomandimeve të veta;

- ç) autoritetit të ngjashëm të huaj, me të cilin Kuvendi ka ratifikuar marrëveshje ndërkombëtare dhe informacioni kërkohet në kuadër të ekzekutimit të marrëveshjes;
- d) autoritetit homolog të huaj ose autoriteteve vendase, me të cilat Drejtoria e Përgjithshme e Tatimeve ka nënshkruar marrëveshje bashkëpunimi dy ose shumëpalëshe, me objekt shkëmbimin e informacionit;
- dh) institucioneve të pavarura, të krijuara me ligj;
- e) çdo autoriteti tjetër, sipas parashikimit të bërë me ligj të veçantë.

Si dhe neni 31 “E drejta për konfidencialitetin e të dhënave”

1. Çdo tatimpagues ka të drejtën e konfidencialitetit për të dhënat e veta tatimore e financiare, të administruara nga administrata tatimore.
2. E dhënë tatimore dhe financiare është çdo informacion, i cili merret nga administrata tatimore, gjatë ushtrimit të funksioneve, tek tatimpaguesi ose palët e treta.

Për sa më sipër, referuar Ligjit Nr. 9920/2008 "Për Procedurat Tatimore në RSH" i ndryshuar, nenet 24, 25 dhe 31, Administrata Tatimore nuk mund t'ju vërë në dispozicion informacionin e kërkuar, mbi shumën debitore të tatimpaguesit “Global Eco Dega Shqiperi” me NIPT L62317019K.

Zv. DREJTOR I PËRGJITHSHËM

Klajd Shuka

Punoi dhe Konceptoi: H. Hysenaj

Miratoi: R. Çelmeta

Data : 23.06.2020